



**OPŠTI USLOVI KORIŠTENJA USLUGA PORSCHE LEASING D.O.O. U
POSLOVANJU SA FIZIČKIM LICIMA**

Mart, 2026. godine

PORSCHE LEASING D.O.O.

Bulevar Meše Selimovića 16, 71000 Sarajevo | Tel: +387 (0)33 257 147 | Fax: +387 (0)33 257 149 | porscheleasing.ba

Matični broj: 65-01-0350-15 | JIB: 4202098010005 | PDV: 202098010005 | Broj žiro računa: 1610000138130048 Raiffeisen Bank d.d. Sarajevo

Podružnica Banja Luka: Mladena Stojanovića 43, 78000 Banja Luka | JIB: 4202098010013



SADRŽAJ:

1.OPŠTE ODREDBE	3
2.ZNAČENJE IZRAZA	3
3.USLOVI ZA USPOSTAVLJANJE ODNOSA IZMEĐU PORSCHE LEASINGA I KORISNIKA LEASINGA	4
4.NAČIN KOMUNIKACIJE IZMEĐU PL I KORISNIK LEASINGA	4
5.USLOVI ZA OBAVLJANJE ODNOSA IZMEĐU PORSHE LEASINGA I KORISNIK LEASINGA	4
6.NOMINALNA KAMATNA STOPA	5
7. ZAKONSKA ZATEZNA KAMATA	5
8. PROMJENA I USKLAĐIVANJE NOMINALNE KAMATNE STOPE	5
9. VLASNIŠTVO PREDMETA LEASINGA	5
10. OSIGURANJE PREDMETA LEASINGA	5
11. NAKNADE I TROŠKOVI KOJI PADAJU NA TERET KORISNIKA LEASINGA.	5
12. PRIJEVREMENA OTPLATA.	6
13.ODUSTANAK OD UGOVORA	6
14.OBAVIJEST O STANJU DUGA	6
15.POSEBNE ODREDBE ZA KORISNIKE LEASINGA I ZASTUPNIKE I POVEZANA LICA KOJA SE NAĐU NA LISTAMA SANKCIONISANIH LICA OD STRANE MEĐUNARODNIH ORGANIZACIJA I/ILI ORGANA BOSNE I HERCEGOVINE	6
16. OPOMENE ZBOG NEPLAĆANJA	7
17. RASKID UGOVORA	7
18.SREDSTVA OBEZBJEĐENJA UGOVORA	8
19. ZAŠTITA LIČNIH PODATAKA	8
20. PRIGOVORI KLIJENATA	9
21. SUDSKA NADLEŽNOST	9
22. ZAVRŠNE ODREBE	10

PORSCHE LEASING D.O.O.

Bulevar Meše Selimovića 16, 71000 Sarajevo | Tel: +387 (0)33 257 147 | Fax: +387 (0)33 257 149 | porscheleasing.ba

Matični broj: 65-01-0350-15 | JIB: 4202098010005 | PDV: 202098010005 | Broj žiro računa: 1610000138130048 Raiffeisen Bank d.d. Sarajevo

Podružnica Banja Luka: Mladena Stojanovića 43, 78000 Banja Luka | JIB: 4202098010013



1. OPŠTE ODREDBE

Opšti uslovi poslovanja Porsche Leasing d.o.o. sa fizičkim licima (u daljem tekstu: Opšti uslovi poslovanja) koji se primjenjuju za fizička lica na području Federacije Bosne i Hercegovine i Republike Srpske (u daljem tekstu: Korisnik leasinga) predstavljaju akt poslovne politike Porsche Leasing d.o.o. (u daljem tekstu: PL) kojom se utvrđuju opšti standardi pod kojima PL odobrava leasing Korisniku Leasinga, uslovi za uspostavljanje odnosa i postupak komunikacije između PL i Korisnika leasinga te ostali uslovi za obavljanje poslova leasinga između njih.

U skladu sa ovim Opštim uslovima poslovanja, Korisnik leasinga je fizičko lice sa mjestom prebivališta na području Federacije Bosne i Hercegovine i Republike Srpske koje stupa u poslovni odnos sa PL-om radi korištenja usluga leasinga.

Finansijski leasing je finansiranje kupovine sa pravom korištenja Predmeta leasinga do isteka Ugovora. Pravo vlasništva prenosi se na Korisnika leasinga po isplati posljednje rate i svih drugih obaveza po osnovu zaključenog Ugovora.

Donošenjem i dosljednom primjenom ovih Opštih uslova osigurava se zaštita prava i interesa Korisnika leasinga te primjena dobrih poslovnih običaja, dobre poslovne prakse i fer odnosa prema Korisniku leasinga. PL se obavezuje da će se dosljedno pridržavati sljedećih načela:

- savjesnosti i poštenja;
- postupanja sa pažnjom dobrog stručnjaka u izvršavanju svojih obaveza;
- ravnopravnog odnosa sa Korisnikom leasinga;
- zaštite od diskriminacije;
- transparentnog poslovanja i informisanja;
- ugovaranja obaveza koje su određene ili određive;
- prava Korisnika leasinga na prigovor i obeštećenje.
- zaštite ličnih podataka u skladu sa Zakonom o zaštiti ličnih podataka BiH.

PL se obavezuje pridržavati svih naprijed navedenih načela u svim fazama zasnivanja i postojanja poslovnog odnosa sa Korisnikom leasinga.

2. ZNAČENJE IZRAZA

U Opštim uslovima poslovanja i ugovora o leasingu za fizička lica određeni pojmovi imaju značenje u smislu kako je navedno:

Leasing je pravni posao u kojem Davaoc leasinga prenosi pravo posjedovanja i korištenja Predmeta leasinga na Korisnika leasinga na određeni vremenski rok, a zauzvrat Korisnik leasinga se obavezuje da mu za to plaća ugovorenu leasing naknadu.

Finansijski leasing je pravni posao u kojem Korisnik leasinga u periodu posjedovanja i korištenja Predmeta leasinga plaća ugovorenu leasing naknadu sa opcijom kupovine i sticanja prava vlasništva nad Predmetom leasinga, i to isplatom posljednje rate, te snosi troškove amortizacije Predmeta leasinga.

Ugovor podrazumijeva Ugovor o leasingu zajedno sa Opštim uslovima, Zahtjevom za zaključenje Ugovora, Ponudom za finansiranje, Pozivom za prvo plaćanje, Zapisnikom o preuzimanju Predmeta leasinga u ime Davaoca leasinga, Otplatnim planom, punomoćima, Aneksima na Ugovor i dodatnim ugovorima ukoliko postoje, kao njegovim sastavnim, neodvojivim i obavezujućim dijelovima.

Davalac leasinga označava "Porsche Leasing" d.o.o.

PL označava "Porsche Leasing" d.o.o.

Korisnik leasinga označava fizičko lice, koje je sa "Porsche Leasing" d.o.o. zaključilo Ugovor kao glavni dužnik, na osnovu kojeg stiče pravo posjedovanja i korištenja Predmeta leasinga.

Klijent je bilo koje lice, pravno ili fizičko, koje koristi ili je koristilo usluge Društva ili lica koje se obratilo Društvu radi korištenja usluga i koje je Društvo kao takvog identifikovao. Pod istim pojmom se podrazumijevaju i jermi ili druga lica koja osiguravaju ispunjenje obaveza klijenta.

Suđuznik označava pravno ili fizičko lice koje je sa Davaocem leasinga zaključilo Ugovor, na osnovu kojeg odgovara Davaocu leasinga sa Korisnikom leasinga, pod jednakim uslovima kao i Korisnik leasinga, za sve obaveze Korisnika leasinga.

Mjenica je vrijednosni papir i vrijednosna isprava koja sadrži obavezu na bezuslovno plaćanje novčanog iznosa bez označavanja dugovinskog uzroka i pravnog osnova. Svi potpisnici na mjenici solidarno odgovaraju imaoću mjenice za isplatu mjeničnog iznosa, bez obzira na međusobne odnose. PL kao mjenični povjerilac može podnijeti na naplatu mjenicu ili pokrenuti izvršni sudski postupak na osnovu vjerodostojne isprave protiv jednog ili više ili protiv svih potpisnika na mjenici i pri tome se ne mora pridržavati reda kojim su se potpisnici obavezali.

Dobavljač/Isporučilac Predmeta leasinga je lice koje je prema slobodnoj volji i vlastitom nahodjenju odabrao Korisnik leasinga, te koje na osnovu ugovora ili na drugi zakonom propisan način nabavlja i isporučuje Predmet leasinga, te na Davaoca leasinga prenosi pravo vlasništva nad Predmetom leasinga.

Predmet leasinga je pokretna ili nepokretna stvar, u skladu sa propisima koji uređuju vlasništvo, odnosno druga stvarna prava, nabavka i korištenje koje se finansira putem leasinga, a koja je jasno naznačena u Ugovoru.

Leasing naknada je novčani iznos koji Korisnik leasinga plaća Davaocu leasinga na osnovu posjedovanja i korištenja Predmeta leasinga, a čiji je iznos prikazan u Otplatnom planu, te je promjenljiva u skladu sa odredbama Ugovora.

Učešće je novčani iznos koji Korisnik leasinga plaća Davaocu leasinga prilikom zaključenja Ugovora, a koji umanjuje osnovicu za obračun leasing naknade, te koji se ne vraća Korisniku leasinga u slučaju raskida Ugovora.

Troškovi zaključenja Ugovora obuhvataju troškove zaključenja Ugovora u iznosu izričito navedenom u Ugovoru.

Primjena Ugovora počinje na dan preuzimanja Predmeta leasinga od strane Korisnika leasinga.

EURIBOR označava fluktuirajuću kamatnu stopu, koja predstavlja cijenu novca na međubankarskom tržištu

Kamatna stopa je Ugovorom utvrđena kamatna stopa, koja zajedno sa EURIBOR-om čini ukupnu kamatnu stopu.



Strana sa ograničenjima označava svakog pojedinca ili entitet koji je:

- naveden kao takav, u vlasništvu ili pod kontrolom lica koje se nalazi na listama sankcija,
- vlada zemlje koja se sankcioniše,
- agencija ili instrument, ili entitet direktno ili indirektno u vlasništvu ili pod kontrolom vlade sankcionisane zemlje,
- sa prebivalištem ili se nalazi u sankcionisanoj zemlji, obavija djelatnosti iz te zemlje ili je osnovan u skladu sa zakonom sankcionisane zemlje,
- meta sankcija, prema najboljem saznanju Korisnika leasinga ili matične kompanije ili sa kojom bi saradnja Davaoca leasinga predstavljala kršenje sankcija.

Sankcija označava ekonomsku ili finansijsku sankciju ili trgovinski embargo ili drugu zabranu u skladu sa zakonima o borbi protiv terorizma ili zakonima u vezi zabrane izvora koji regulišu ponašanje koje nameće, uređuje ili sprovodi bilo koji organ za sankcije.

Sankcionisana zemlja označava svaku zemlju ili drugu teritoriju koja je predmet zajedničkog izvoznog, uvoznog, finansijskog ili investicionog embarga u vezi sa bilo kojim sankcijama počev od datuma ovog Ugovora, uključujući Krim nevladine kontrolisane strane u oblastima Donjecka i Luganska u Ukrajini, Krimu, Kubi, Iranu, Sjevernoj Koreji i Siriji.

Institucije za sankcionisanje su:

- Sjedinjene Američke Države,
- Savjet bezbjednosti Ujedinjenih nacija,
- Evropska Unija ili bilo koja njena država članica,
- Ujedinjeno Kraljevstvo,
- organi Bosne i Hercegovine ili
- odgovarajuće vladine institucije bilo koje od gore navedenih institucija.

Sankcioni spisak označava bilo koju od lista posebno određenih državljanina, određenih ili sankcionisanih pojedinaca ili entiteta (ili ekvivalenata) koje izdaje institucija za sankcije sa periodičnim izmjenama, dopunama ili zamjenama.

3. USLOVI ZA USPOSTAVLJANJE ODNOSA IZMEĐU PORSCHE LEASINGA I KORISNIKA LEASINGA

U pregovaračkoj fazi PL informiše Korisnika leasinga o uslovima i svim bitnim karakteristikama usluge koju nudi u obliku standardnog informacionog lista na reprezentativnom primjeru usluge, u pisanoj formi ili elektronskom obliku.

Korisnik leasinga podnosi zahtjev za leasing PL-u uz koji dostavlja dokumentaciju predviđenu aktima poslovne politike PL-a, među kojom je i dokumentacija kojom se utvrđuje njegova kreditna sposobnost na osnovu čega PL odlučuje da li će odobriti zahtjev za leasing.

PL prima zahtjev za leasing u obradu samo u slučaju kada je prikupljena cjelokupna dokumentacija

PL zadržava pravo da od Korisnika leasinga zahtjeva i dodatnu dokumentaciju i informacije kao uslov za uspostavljanje poslovne saradnje, odnosno zaključenje ugovora. Po prijemu zahtjeva, provodi mjere identifikacije, vrši procjenu Korisnika leasinga odnosno utvrđuje kreditnu sposobnost podnosioca zahtjeva i drugih učesnika (Sudužnik). PL kreditnu sposobnost procjenjuje na osnovu podataka i dokumentacije koju dobije od Korisnika leasinga i na osnovu uvida u bazu podataka Centralnog registra kredita CBBH (u daljem tekstu CRK).

PL ima pravo u skladu sa važećim zakonskim propisima povjeriti trećim osobama provođenje mjera identifikacije i praćenja Korisnik leasinga.

PL ima pravo na slobodan izbor Korisnik leasinga što uključuje i diskreciono pravo da odbije uspostavljanje poslovne saradnje sa Korisnikom Leasinga bez obzira na formalnu ispunjenost uslova od strane Korisnika leasinga. Korisnik može, na vlastiti zahtjev, besplatno dobiti informaciju o rezultatima procjene koju je proveo PL.

Prilikom obavljanja procjene, a u skladu sa Zakonom o sprječavanju pranja novca i finansiranja terorističkih aktivnosti, PL može odbiti stupanje u poslovni odnos sa Korisnikom leasinga bez davanja objašnjenja.

4. NAČIN KOMUNIKACIJE IZMEĐU PORSCHE LEASINGA I KORISNIKA LEASINGA

Pisana komunikacija između Davaoca leasinga i Korisnika leasinga vrši se prema adresi, poštanskoj i/ili elektronskoj, koja je navedena u Ugovoru. Jednostrana obavještenja Davaoca leasinga može slati i upotrebom SMS servisa, mobilnih aplikacija odnosno slanjem tekstualne poruke na broj telefona Korisnika leasinga koji je naveden u Ugovoru. Sve obavijest (dopisi, potvrde, izvještaji, pozivi i sl.) koji se šalju u vezi s ovim Ugovorom moraju biti u pisanoj formi. Smatrat će se uredno uručenim kada se lično dostave, pošalju putem pošte, telefona, elektronske pošte ili drugih distribucijskih kanala drugoj ugovornoj strani, na adrese/brojve navedene u Ugovoru.

Tako učinjena obavijest proizvodi pravne učinke trenutkom otposljanja, bez obzira na to da li je dostava uspjela ili ne, osim ako u samoj obavijesti nije drugačije navedeno

Za potrebe pružanja svih usluga smatrat će se da je obavijest, kao i ostala međusobna komunikacija, primljena ukoliko je pristigla tokom radnog vremena PL. Izuzetak su preporučene pošiljke: ukoliko se pošiljka iz bilo kojeg razloga ne može uručiti primatelju putem dostave, smatrat će se primljenom na dan kada je primatelju ostavljena obavijest o prispjeću pošiljke od pravnog subjekta ovlaštenog za dostavu pošiljaka

Ugovorne strane dužne su bez odgađanja međusobno obavještavati jedna drugu o svim promjenama adresa i drugih podataka relevantnih za dostavu obavijesti. Smatrat će se da je obavijest propisno dostavljena drugoj ugovornoj strani ukoliko je poslana na adrese i/ili brojve navedene u ovom Ugovoru.

U slučaju da u toku trajanja ovog Ugovora dođe do promjene identifikacione dokumentacije Korisnika leasinga, Korisnik leasinga se obavezuje dostaviti Davaocu leasinga promjenjenu identifikacionu dokumentaciju u roku od osam (8) dana od dana nastupanja promjene.

5. USLOVI ZA OBAVLJANJE ODNOSA IZMEĐU PORSCHE LEASINGA I KORISNIKA LEASINGA

Poslovanje između PL-a i Korisnika leasinga obavlja se zaključivanjem Ugovora o leasingu. Ugovor o leasingu se zaključuje u pisanoj formi u dovoljnom broju primjeraka za obje ugovorne strane.

Svaka ugovorna strana zadržava svoj primjerak Ugovora. Pri zaključivanju Ugovora o leasingu PL uz Ugovor uručuje Korisniku leasinga i jedan primjerak Otplatnog plana koji čini sastavni dio Ugovora o finansijskom leasingu. Otplatni plan je plan otplate kojim se definiše iznos i datum otplate glavnice i kamate koje je Korisnik leasinga obavezan plaćati po Ugovoru. Drugi primjerak Otplatnog plana zadržava PL u svojoj dokumentaciji.

Sastavni, neodvojivi i obavezujući dijelovi Ugovora su: Opšti uslovi poslovanja PL-a, Ponuda, Zahtjev za zaključenje ugovora, Poziv za prvo plaćanje, Zapisnik o preuzimanju Predmeta leasinga u ime PL-a, Otplatni plan, punomoći, Aneksi na Ugovor i dodatni ugovori ukoliko postoje, a koji prethode Ugovoru ili će biti sačinjeni na osnovu ili u vezi sa Ugovorom.



6. NOMINALNA KAMATNA STOPA

Visina nominalne kamatne stope i pripadajuće naknade zavise od predmeta finansiranja i boniteta / kreditne sposobnosti Korisnik leasinga. Ugovorena nominalna kamatna stopa može biti fiksna i promjenljiva.

Nominalna kamata sa fiksnom kamatnom stopom podrazumijeva da se kamatna stopa ne mijenja u periodu važenja ugovora o leasingu.

Promjenljiva nominalna kamata podrazumijeva tržišno indeksiranu kamatnu stopu koja se sastoji od promjenljivog i fiksnog elementa kamatne stope. Promjenljivi element nominalne kamatne stope utvrđuje se na bazi 3-mjesečnog EURIBOR-a kao referentne stope na evropskom međubankarskom tržištu koju objavljuje Evropska Centralna Banka. Metod koji se primjenjuje kod obračuna kamatnih stopa je proporcionalni.

Referentna kamatna stopa (promjenljivi element kamatne stope) je EURIBOR. PL u svojim poslovnim prostorijama drži istaknuto obavještenje o kretanju vrijednosti ugovorenih promjenljivih elemenata - referentnih kamatnih stopa.

EURIBOR je međubankarska referentna kamatna stopa koja se primjenjuje u zoni Eura. Utvrđuje ga Evropska bankarska federacija i Asocijacija za finansijska tržišta. Izračunava se kao prosjek kamatnih stopa u okviru panela prvoklasnih banaka koje nude sredstva na određen period. U zavisnosti od ročnosti ponuđenih sredstava razlikuje se nedjeljni, dvonedjeljni, tronedjeljni, mjesečni, tromjesečni, šestomjesečni i sl. EURIBOR.

Efektivna kamatna stopa (EKS)/Efektivna stopa leasing naknade (ELIN) je diskontna stopa koja izjednačava, na godišnjoj osnovi, sadašnje vrijednosti svih novčanih tokova, odnosno sadašnje vrijednosti svih novčanih primanja sa sadašnjim vrijednostima svih novčanih izdataka po osnovu korištenja finansijskih usluga koji su poznati u momentu iskazivanja ove stope.

7. ZAKONSKA ZATEZNA KAMATA

U slučaju da Korisnik leasinga ne izvrši svoje obaveze u roku njihove dospelosti na sve dospjele, a neizmirene iznose, PL obračunava za svaki dan kašnjenja zateznu kamatu po stopi od 10% godišnje za Korisnike leasinga sa mjestom prebivališta u Federaciji Bosne i Hercegovine odnosno 10,95% za Korisnike leasinga sa mjestom prebivališta u Republici Srpsko i to od dana dospjeća pa do dana isplate, u skladu sa važećim zakonima o visini zakonske zatezne kamate u Federaciji Bosne i Hercegovine i Republici Srpskoj.

8. PROMJENA I USKLADIVANJE NOMINALNE KAMATNE STOPE

Prilagodavanje kamatne stope bit će vršeno po zavšetku svakog kvartala, u slučaju promjene tromjesečnog EURIBOR-a, ako je povećanje ili smanjenje EURIBOR-a +/- 0,25 procentnih poena, te ako je do isteka Ugovora ostalo duže od šest (6) mjeseci o čemu će Korisnik leasinga biti od strane PL obavješten pismenim putem te će se u obavještenju navesti datum od kada se izmijenjena stopa primjenjuje i dostaviti novi Otplatni plan

Svaki novi otplatni plan je obavezujući za Korisnik leasinga i činit će sastavni dio Ugovora o leasingu. Usklađivanje kamatne stope se neće vršiti ukoliko bi kamatna stopa bila niža od 0%.

Kao početna vrijednost referentne stope uzima se vrijednost EURIBOR-a na zadnji dan prethodnog kvartala.

Osnov za izmjenu važeće nominalne kamatne stope predstavlja razliku između vrijednosti referentne stope koja se primjenjivala u sastavu nominalne kamatne stope na dan zaključenja Ugovora odnosno na dan posljednjeg usklađivanja (promjene) i referentne stope utvrđene na zadnji dan tekućeg referentnog perioda.

9. VLASNIŠTVO PREDMETA LEASINGA

Za svo vrijeme trajanja Ugovora o leasingu isključivi vlasnik Predmeta leasinga je PL. Korisnik leasinga može steći pravo vlasništva nad Predmetom leasinga tek po ispunjenju svih svojih obaveza.

Tokom trajanja Ugovora, Korisnik leasinga ima pravo posjedovanja i korištenja Predmeta leasinga, ali samo pod uslovom da uredno izmiruje svoje obaveze iz Ugovora

10. OSIGURANJE PREDMETA LEASINGA

Za cijelo vrijeme trajanja Ugovora, Predmet leasinga mora biti propisno osiguran od svih rizika u obimu i na način koji odredi PL (kasko osiguranje motornih vozila, osiguranje protiv požara, elementarnih nepogoda, totalne štete, vandalizma, štete uslijed neovlaštenog korištenja, izljava vode, krađe, loma, od odgovornosti i dr.), protiv kojih se Predmet leasinga može osigurati kod osiguravajućeg društva prema listi osiguravajućih društava prihvatljivih za PL.

Korisnik leasinga je Ugovarač osiguranja, a Davaoc leasinga je osiguranik za svo vrijeme trajanja Ugovora, sa čim je Korisnik leasinga saglasan što potvrđuje potpisom Ugovora.

Zaključena polica osiguranja mora biti vinkulirana u korist Davaoca leasinga, a jedan originalni primjerak važeće police osiguranja mora biti dostavljen Davaocu leasinga.

U slučaju neizmirenja obaveza prema osiguravajućoj kući po osnovu kasko osiguranja PL može Korisniku leasinga poslati obavijest o navedenom kašnjenju o svom trošku kao i raskinuti Ugovor.

Ugovorne strane su saglasne da je PL ovlašten da, radi zaštite svog prava vlasništva na Predmetu lizinga, u Predmet lizinga ugradi elektronsku opremu koja omogućava elektronsko-GPS lociranje Predmeta lizinga uz prethodnu saglasnost Korisnika leasinga. PL može koristiti GPS lociranje isključivo u cilju lociranja vozila u slučaju krađe ili utaje, te PL neće koristiti ovu mogućnost na način koji bi narušavao privatnost Korisnika leasinga.

11. NAKNADE I TROŠKOVI KOJI PADAJU NA TERET KORISNIKA LEASINGA

Korisnik leasinga ima obavezu snositi sljedeće naknade i troškove:

- Troškovi zaključenja ugovora - obračunava se jednokratno i naplaćuje prilikom dostavljanja poziva na prvo plaćanje.
- Naknada za reprogram ugovora o leasingu - obračunava se i naplaćuje jednokratno i po provedenoj transakciji. Naknada se naplaćuje nakon odobrenja reprograma, a prije zaključenja aneksa ugovora o leasingu,
- Naknada za odustajanje od odobrenog finansiranja po zahtjevu za leasing - obračunava se jednokratno i naplaćuje uplatom od strane Klijenta na transakcijski račun PL. Naknada za odustajanje se ne naplaćuje ukoliko Klijent odustane u toku 14 dana od dana zaključenja ugovora o leasingu. Ukoliko Korisnik leasinga odustane od Ugovora prije protoka roka od četrnaest (14) dana od dana zaključenja Ugovora, a obezbijedio je instrumente obezbjeđenja i platio ili preuzeo obavezu plaćanja troškova u vezi sa istim, odustajanjem od Ugovora o leasingu takvi troškovi su isključivo troškovi Korisnika leasinga.

Za Korisnika leasinga, pored navedenih naknada, mogu nastati i sljedeći troškovi:



- Trošak kupovine mjenice,
- Trošak provjere (u Registru zaloga te upis zaloga ukoliko je isti neophodan u skladu sa drugim aktima koji posebno regulišu ovu oblast, u CRK u JRR te provjere predmeta leasinga Eurotax za rabljena vozila), osim za fizička lica u RS.
- Trošak registracije, obaveznog osiguranja i kasko osiguranja ukoliko je Predmet leasinga motorno vozilo, odnosno ukoliko isto podliježe zakonskoj obavezi registracije, te svi troškovi koji se odnose na održavanje Predmeta leasinga
- Troškovi notarskih usluga, ukoliko je potrebno radi realizacije finansiranja,

Svi navedeni troškovi su fiksnog karaktera za period na koji se odnose. Navedeni i potencijalni ostali troškovi koji mogu biti obračunati na teret Korisnika leasinga sadržani su Pregedu naknada Porsche Leasinga, objavljenom na web stranici www.porscheleasing.ba.

12. PRIJEVREMENA OTPLATA

Korisnik leasinga ima pravo u bilo kojem trenutku izvršiti prijevremenu otplatu Ugovora o leasingu, u potpunosti ili djelimično, prije roka određenog za otplatu, pri čemu Korisnik leasinga koji je fizička osoba ima pravo na umanjenje ukupnih troškova leasinga za iznos kamate i troškova za preostali period trajanja Ugovora. Korisnik leasinga je dužan o namjeri prijevremene otplate obavijestiti PL pisanim putem, najmanje trideset (30) dana unaprijed u FBiH a u RS namanje osam (8) dana unaprijed. Naknada za prijevremenu otplatu se ne zaračunava, pri čemu kamate neće biti obračunate za period nakon dana isplate

13. ODUSTANAK OD UGOVORA

PL ne može uplatiti sredstva Dobavljaču Predmeta leasinga prije isteka roka 14 dana od dana zaključenja ugovora, izuzev na izričit zahtjev Korisnika Leasinga. Zahtjev nije moguće podnijeti ako je ugovorom uslovljeno davanje instrumenata obezbjeđenja sve dok Korisnik leasinga ne dostavi tražene instrumente.

Korisnik leasinga ima pravo odustati od zaključenog Ugovora u roku od četrnaest (14) dana od dana zaključenja Ugovora, bez navođenja razloga za odustanak. Prije isteka navedenog roka Korisnik leasinga dužan je o svojoj namjeri pisanim putem obavijestiti PL, pri čemu se datum prijema tog obavještenja smatra datumom odustanka od Ugovora.

U slučaju da Korisnik leasinga odustane od zaključenog Ugovora, a obezbijedio je instrumente obezbjeđenja i platio ili preuzeo obavezu plaćanja troškova u vezi sa istim, odustajanjem od Ugovora o leasingu takvi troškovi su isključivo troškovi Korisnika leasinga. Korisnik leasinga ima pravo na povrat uplaćenog učešća i pripadajućih poreza.

Ako se na osnovu ugovora o finansijskom leasingu pružaju i sporedne usluge koje su u vezi sa tim ugovorom, Korisnik leasinga više neće obavezivati ugovor o sporednim uslugama ako koristi svoje pravo na odustanak od ugovora o finansijskom leasingu.

Ukoliko Korisnik leasinga ne obavijesti PL o odustanku, smatrat će se da ne odustaje od Ugovora, te će PL aktivirati Ugovor i staviti Predmet leasinga na raspolaganje Korisniku leasinga.

- Formulacija u skladu sa regulativama za FBiH:

Ukoliko je izvršeno plaćanje i isporuka Predmeta leasinga Korisnik leasinga koji odustane od Ugovora dužan je PL, odmah po slanju obavještenja o odustanku od Ugovora vratiti Predmet leasinga o vlastitom trošku. Po prijemu obavještenja o odustanku od Ugovora, PL će sačiniti obračun umanjenja vrijednosti Predmeta leasinga, te će ovaj obračun dostaviti Korisniku leasinga.

Korisnik leasinga je dužan odmah, a najkasnije u roku od trideset (30) dana od dana slanja obavještenja o odustanku od Ugovora, PL nadoknaditi pretrpljenu štetu, ako je došlo do umanjenja vrijednosti Predmeta leasinga i isplati ugovorenu kamatu od dana zaključenja Ugovora do dana isplate.

- Formulacija u skladu sa regulativama za RS:

U slučaju da Korisnik leasinga odustane od zaključenog Ugovora, Davalac leasinga ima pravo na naplatu obračunate naknade za obradu zahtjeva za zaključenje Ugovora, koja ne može biti veća od naknade u slučaju kada Korisnik leasinga ne odustane od zahtjeva za leasing.

14. OBAVIJEST O STANJU DUGA

PL je obavezan bez naknade jednom godišnje, na zahtjev Korisnika leasinga, izdati pregled njegovih obaveza i izvršenih plaćanja.

U slučaju ugovorene promjenljive kamatne stope, PL je dužan da o izmjeni te stope, obavijestiti u pisanom ili elektronskom obliku, Korisnika leasinga te u obavještenju navesti datum od kada se izmjenjena stopa primjenjuje i pritom dostavi besplatno Korisniku leasinga izmijenjen Otplatni plan.

15. POSEBNE ODREDBE ZA KORISNIKE LEASINGA ZASTUPNIKE I POVEZANA LICA KOJA SE NAĐU NA LISTAMA SANKCIONISANIH LICA OD STRANE MEĐUNARODNIH ORGANIZACIJA I/ILI ORGANA BOSNE I HERCEGOVINE

Korisnik leasinga svojim potpisom na ovim Opštim uslovima potvrđuje, prema svoj najboljem saznanju da niti privredno društvo koje zastupa, niti povezano društvo ili bilo koji od njegovih odgovornih direktora ili službenika, odnosno predstavnika:

- nije strana koja je predmet bilo kakvih restrikcija u poslovanju (u daljem tekstu „Strana sa ograničenjima“),
- nije angažovan u bilo kojoj transakciji, aktivnosti ili ponašanju za koje se razumno očekuje da će dovesti do toga da bude označena kao Strana sa ograničenjima,
- ne učestvuje u bilo kojoj transakciji, aktivnosti ili ponašanju koje može dovesti do kršenja primjenljivih sankcija koje su predviđene odlukama međunarodnih organizacija ili Bosne i Hercegovine,
- nije primio obavještenje ili je na neki drugi način upoznat sa bilo kojim zahtjevom, aktivnošću, sudskim ili drugim postupkom ili istragom u vezi sa Sankcijama međunarodnih institucija ili/i organe Bosne i Hercegovine,
- ne djeluje u ime ili po nalogu bilo koje Ograničene strane u vezi sa Predmetom leasinga koji je obuhvaćen ovim Ugovorom.

Korisnik leasinga se ovim sporazumno obavezuje Davaocu leasinga da:

- ne doprinosi ili na drugi način stavlja na raspolaganje svoje ukupne prihode ili bilo koji dio tih prihoda koje stiče po osnovu Predmeta leasinga, direktno ili indirektno, ili ih povjerava u korist bilo kojeg pojedinca ili entiteta radi finansiranja aktivnosti ili transfera, drugih transakcija ili ulaganja prema bilo kojoj Strani sa ograničenjima,
- ne djeluje u ime ili po nalogu bilo koje Ograničene strane u vezi sa Predmetom leasinga koji je obuhvaćen ovim Ugovorom.

Korisnik leasinga se ovim sporazumno obavezuje Davaocu leasinga da:

- direktno ili indirektno ne finansira, u cjelini ili djelimično, otplatu ili prijevremenu otplatu Predmeta leasinga iz prihoda koji potiču iz bilo koje transakcije ili aktivnosti koja uključuje Stranu sa ograničenjima,



- ne učestvuju u bilo kojoj transakciji, aktivnosti ili ponašanju koje bi predstavljalo kršenje sankcija koje se primjenjuju na njih,
- ne učestvuje u bilo kojoj transakciji, aktivnosti ili ponašanju koje bi dovelo do toga da Davalac leasinga ili drugi član Porsche grupacije prekrši bilo koju sankciju ili za koju može razumno očekivati da će doprinijeti tom kršenju zbog čega bi se Korisnik leasinga mogao tretirati kao Strana sa ograničenjima.

Korištenje prihoda

Korisnik leasinga se obavezuje da će obezbijediti da nijedno njegovo povezano lice neće:

- koristiti, pozajmljivati, doprinostiti ili na drugi način stavljati na raspolaganje sav ili bilo koji dio prihoda iz bilo koje pozajmice ili druge transakcije predviđene dokumentom o izvršenoj transakciji direktno ili indirektno,
- za bilo kakvo finansiranje ili omogućavanje bilo koje trgovinske, poslovne ili druge aktivnosti u mjeri u kojoj bi takvo finansiranje ili omogućavanje druge aktivnosti bile zabranjene sankcijama ili bi na drugi način prouzrokovale da bilo koja osoba prekrši sankcije,
- na bilo koji drugi način za koji se razumno očekuje da će bilo koja osoba, uključujući, ali ne ograničavajući se na Korisnika leasinga, prekršiti bilo koju sankciju ili postati sankcionisana strana,
- učestvovati u bilo kojoj transakciji kojom se izbjegava, ili ima za cilj izbjegavanje, ili krši ili pokušava da prekrši, direktno ili indirektno, bilo koja sankcija određena od strane međunarodnih organizacija ili Bosne i Hercegovine,
- finansirati u cijelosti ili djelimično iznose koji su u vezi sa dokumentom o izvršenoj transakciji iz procedure koja proizilazi iz bilo koje akcije koja je u vezi sa kršenjem sankcija.

Ugovorne strane trebaju uspostaviti i održavati politike i procedure razumno pripremljene radi promocije i postizanja usklađenosti sa propisanim sankcijama međunarodnih organizacija i organa Bosne i Hercegovine sa primjenjivim sankcijama.

Ugovorne strane trebaju imati odgovarajuću kontrolu i procese dizajnirane da spriječe bilo kakve aktivnosti koje nisu u skladu sa naprijed navedenim.

16. OPOMENE ZBOG NEPLAĆANJA

U slučaju kašnjenja sa plaćanjem bilo koje dospjele obaveze iz ugovora, Korisnik leasinga će platiti Davaocu leasinga ugovorenu kamatu na dospelje neizmirene obaveze, u visini zakonske zatezne kamate u skladu sa važećim propisima.

Ukoliko Korisnik leasinga kasni sa plaćanjem bilo koje obaveze iz i po osnovu Ugovora, Davalac leasing će Korisniku leasinga dostavljati opomene sa iskazanim dugovanjem kao i račune sa obračunatom zakonskom zateznom kamatom i to ako Korisnik leasinga kasni:

- do 32 dana i neplaćena potraživanja u visini do jedne rate, Davalac leasinga će uputiti prvu opomenu Korisniku leasinga,
- od 32 do 49 dana i neplaćena potraživanja u visini od jedne do dvije rate, Davalac leasinga će uputiti drugu opomenu Korisniku leasinga.

Ukoliko je dugovanje Korisnika leasinga veće od 32 dana Davalac leasinga će dostaviti obavijest Sudužniku u kojoj se navodi da na dan izdavanja obavijesti, Korisnik leasinga nije izmirio dospelja dugovanja koja ima po osnovu zaključenog Ugovora o leasingu.

- od 49 do 64 dana i neplaćena potraživanja u visini dvije i više rata, Davalac leasinga će uputiti preporučeno sa povratnicom treću pisanu opomenu/izjavu o raskidu Ugovora, koja je ujedno i opomena pred raskid Ugovora/izjava o raskidu Ugovora, te je nakon isteka ostavljenog roka za plaćanje dospelje obaveze iz treće opomene, ovlašten da Ugovor jednostrano raskine, zahtjeva povrat Predmeta leasinga i/ili pokrene sudski postupak naplate svojih potraživanja od Korisnika leasinga/Sudužnika.

Opomena pred raskid ugovora o finansijskom leasingu upućuje se Klijentu preporučenom pošiljkom sa povratnicom na adresu iz Ugovora o finansijskom leasingu, odnosno na adresu o kojoj je naknadno u pisanom obliku PL obaviješten kao o promjeni adrese.

Takva opomena, odnosno učinjena izjava o raskidu ugovora proizvodi pravne učinke trenutkom slanja bez obzra da li je dostava uspjela ili ne, osim ako u samoj obavijesti nije drugačije određeno.

Troškovi izrade opomene se neće zaračunavati.

Navedeni i potencijalni ostali troškovi koji mogu biti obračunati na teret Korisnika leasinga u slučaju neizmirivanja obaveza sadržani su u Pravilniku o naknadama Porsche Leasinga, objavljenom na web stranici www.porscheleasing.ba.

17. RASKID UGOVORA

PL može u svako doba s trenutnim učinkom jednostrano raskinuti Ugovor dostavljanjem pisanog obavještenja Korisniku leasinga, u sljedećim slučajevima:

- Korisnik leasinga ne izvrši plaćanje po pozivu na prvo plaćanje u roku od 15 dana od datuma prijema obavijesti;
- Korisnik leasinga potpuno ili djelimično kasni sa plaćanjem leasing naknada ili sa plaćanjem drugih dospjelih potraživanja iz Ugovora, te uprkos opomeni ne ispuni svoju obavezu u naknadno ostavljenom roku, u skladu sa Ugovorom;
- Korisnik leasinga zakasni s plaćanjem dospelje mjesečne naknade iznosa koji se plaća za premiju osiguranja;
- Korisnik leasinga u toku trajanja Ugovora o leasingu promjeni osiguravajuće društvo bez saglasnosti Davaoca leasinga;
- Korisnik leasinga ili Sudužnik daje ili je dao pogrešne, nepotpune ili neistinite podatke o sebi ili svom finansijskom ili imovinskom stanju, podatke o svojoj zaradi, prihodima i imovini i/ili ako se ustanovi da se stvarno finansijsko stanje Korisnika leasinga bitno razlikuje od onog utvrđenog na osnovu prvobitno datih podataka, u smislu da Davalac leasinga ne bi zaključio Ugovor da je znao za stvarno finansijsko stanje Korisnika leasinga;
- bilo koje sredstvo obezbjeđenja plaćanja predviđeno Ugovorom iz bilo kojeg razloga postane nevažeće ili se ne zamijeni novim sredstvom obezbjeđenja;
- Korisnik leasinga nije obavijestio Davaoca leasinga o promjeni svog prebivališta, boravišta ili preseljenja u inostranstvo ili nije obavijestio Davaoca leasinga o promjeni svog poslodavca, odnosno prestanka svog Ugovora o radu;
- Korisnik leasinga ne dostavi Davaocu leasinga promjenjenu identifikacionu dokumentaciju u roku od 8 (osam) dana od dana nastupanja promjene;
- nad Korisnikom leasinga se pokrene prinudni postupak od strane trećih lica usmjeren protiv njegove imovine;
- smrt ili gubitak radne/poslovne sposobnosti Korisnika leasinga;
- Korisnik leasinga daje ili je dao netačne podatke o upotrebi ili stanju Predmeta leasinga;
- Korisnik leasinga pri upotrebi Predmeta leasinga ne postupa u skladu sa svim važećim zakonskim i podzakonskim propisima koji se odnose na zaštitu okoline i/ili zdravlje i zaštitu ljudi;
- Korisnik leasinga samovoljno mijenja namjenu Predmeta leasinga;
- na Predmetu leasinga nastane totalna šteta, uništenje, krađa ili gubitak, odnosno Predmet leasinga bude trajno izgubljen tj. nije pronađen u propisanom roku;
- Korisnik leasinga se o Predmetu leasinga ne brine sa pažnjom dobrog privrednika/domaćina ili ne provodi propisane servise i popravke odnosno ne koristi i/ili ne održava Predmet leasinga u skladu sa Ugovorom;



- Korisnik leasinga daje Predmet leasinga u zakup/podkupon/podleasing, ili na korištenje trećim licima bez saglasnosti Davaoca leasinga;

- Korisnik leasinga svojim radnjama ili propustima ugrozi pravo vlasništva ili druga prava i interese Davaoca leasinga na Predmetu leasinga,

- Korisnik leasinga grubo krši odredbe Ugovora;

- ako nastupe ili prijete da će nastupiti okolnosti čija posljedica može biti ugrožena sposobnost Korisnika leasinga da uredno izvršava svoje obaveze iz Ugovora;

- ako se protiv Korisnik leasinga pokrene bilo kakav prekršajni i/ili krivični postupak, pri čijem je počinjenju Predmet leasinga iskorišten kao sredstvo izvršenja protivpravnog djela;

- uslijed djelovanja više sile kao i aktima prinudnog karaktera koje donose državni organi vlasti i/ili institucije koje mogu i imaju takva ovlaštenja.

U slučaju raskida Ugovora, sva potraživanja Davaoca leasinga prema Korisnika leasinga po ovom Ugovoru dospijevaju odmah, sa danom raskida Ugovora. Davalac leasinga sačinjit će obračun troškova raskida Ugovora, koji će uključivati sva neplaćena dospjela potraživanja po osnovu Ugovora, kao i naknadu štete za raskid Ugovora u visini od 3% od ostatka glavnice po Ugovoru, uvećanu za PDV prema važećim propisima. Ovako obračunate troškove raskida Ugovora Korisnik leasinga dužan je platiti Davaocu leasinga u roku od osam (8) dana od dana raskida Ugovora. Ukoliko je Davalac leasinga prilikom zaključenja Ugovora omogućio Korisniku leasinga nabavku Predmeta leasinga pod posebnim akcijskim uslovima, u iznosu navedenom u Ponudi za finansiranje koja čini sastavni dio ovog Ugovora, uz uslov da Ugovor traje do isteka ugovorenog perioda, tada je Korisnik leasinga dužan, ukoliko tokom trajanja ugovora dođe do raskida Ugovora, da pored već navedenih iznosa naknade štete i troškova raskida nadoknadi Davaocu leasinga srazmjerni nedospjeli dio akcijskog troška prikazan Ponudom.

Pravo Korisnika leasinga na korištenje predmeta leasinga se gasi raskidom Ugovora. Korisnik leasinga ovlašćuje Davaoca leasinga da odmah preuzme predmet leasinga.

U slučaju raskida Ugovora, osim u slučaju totalne štete ili kakrade, Davalac leasinga ima pravo raskinuti i druge pravne poslove koje je zaključio sa Korisnikom leasinga.

18. SREDSTVA OBEZBJEĐENJA UGOVORA

PL sa Korisnikom leasinga ugovara sredstva obezbjeđenja Ugovora koji mogu biti:

- Sudužništvo, kojim Sudužnik preuzima obavezu da PL solidarno odgovara za cijelu obavezu Korisnik leasinga tako da PL može zahtijevati njeno ispunjenje bilo od glavnog dužnika, tj. Korisnik leasinga, bilo od Sudužnika ili od obojice u isto vrijeme,

- Administrativna zabrana - kojom Korisnik leasinga / Sudužnik daju saglasnost da radi naplate potraživanja PL zaplijeni dio njegove plaće i da se izravno isplati PL na način utvrđen u toj ispravi,

- Mjenica - vrijednosni papir i vjerodostojna isprava koja sadrži obavezu na bezuvjetno plaćanje novčanog iznosa. PL kao mjenični povjerilac može pokrenuti izvršni sudski postupak na osnovu vjerodostojne isprave,

- Založno pravo na pokretnoj ili nepokretnoj imovini,

- Druge vrste obezbjeđenja prihvatljive za PL.

Konačni instrumenti obezbjeđenja po pojedinačnom ugovoru zavise od iznosa finansiranja i kreditne sposobnosti i utvrđuju se u pregovaračkoj fazi.

PL je ovlašten da instrumente obezbjeđenja neograničeno koristi za naplatu svih potraživanja prema naprijed pobrojanim redoslijedu.

Ako iz bilo kojeg razloga bilo koje sredstvo obezbjeđenja plaćanja iz Ugovora o leasingu prestane biti pravno valjano ili obavezujuće za Korisnika leasinga i/ili njegovu imovinu, ili ako prema mišljenju PL bilo koje takvo sredstvo obezbjeđenja ne pruža dovoljno osiguranje za obaveze Korisnika leasinga iz Ugovora o leasingu, Korisnik leasinga je obavezan provesti u korist i dati PL dodatno sredstvo obezbjeđenja koje PL zahtijeva.

Na zahtjev PL ugovorne strane će zaključiti dodatne ugovore i/ili pravne dokumente potrebne da bi bilo koje sredstvo obezbjeđenja bilo pravno valjano. Korisnik leasinga je u roku od 15 dana od dana obavijesti obavezan zamijeniti odnosno dostaviti pravovaljan dokument kao sredstvo obezbjeđenja naplate.

Zasnivanje založnog prava na nepokretnoj imovini vrši se upisom u zemljišne knjige na osnovu notarski obrađenog ugovora o zalogu/hipoteci sa klauzulom pristajanja na neposredno prinudno izvršenje prema svakodobnom vlasniku bez odlaganja, upisom u zemljišne knjige.

Obavezna klauzula ugovora o hipoteci je zabrana otuđenja i opterećenja nad založenom nekretnom bez znanja i saglasnosti PL i ista obavezuje Založnog dužnika bez obzira da li je upisana u javne registre (zemljišne knjige).

Obaveza zasnivanja založnog prava na nekretninama podrazumjeva i upis založnog prava u zemljišne knjige dostavljanjem zemljišnoknjižnog izvotka sa upisanim teretom u korist PL, sve o trošku Korisnika leasinga, a najkasnije u roku koji je definisan Ugovorom, a koji počinje teći od datuma sačinjavanja notarske isprave.

Ukoliko Korisnik leasinga ne ispunio obavezu uknjižbe založnog prava na nekretninama PL je ovlašten da u ime i za račun Korisnika leasinga izvrši plaćanje troškova upisa u zemljišne knjige te za nastale troškove tereti Korisnika leasinga.

Tako nastali troškovi smatraju se dospjelim na dan izvršenja plaćanja, a u slučaju da Korisnik leasinga ne izvrši dospjela plaćanja, PL je ovlašten da iskoristi sve dostupne načine naplate duga, uključujući i sredstva priliva i stanja na svim računima Korisnika leasinga.

Sve troškove u vezi sa sredstvima obezbjeđenja snosi Korisnik leasinga.

19. ZAŠTITA LIČNIH PODATAKA

Ugovorne strane su saglasne da se u svrhu zaključenja Ugovora primjenjuju pravila iz Zakona o zaštiti ličnih podataka BiH (u daljem tekstu: Zakon).

Lica koja sa Davaocem lizinga potpisuju ovaj Ugovor izričito potvrđuju da su upoznata o namjeri korištenja njihovih ličnih podataka od strane Davaoca lizinga, te eventualno njegovih obrađivača, te da isti mogu prikupljati, obrađivati, čuvati i koristiti njegove lične podatke u svrhe koje su nužne i proporcionalne izvršenju Ugovora: identifikacija korisnika, provjera kreditne sposobnosti, upravljanje leasingom, naplata potraživanja, komunikacija, vođenje evidencija, izvještavanje prema regulatornim obavezama itd.

U svrhu naplate potraživanja obrađivat će se sljedeći podaci: identifikacioni podaci, kontakt podaci, podaci o pouzdanosti plaćanja i finansijski podaci, bankarski podaci, podaci o vozilu kao i podaci o vlasništvu nad nekretninama. Davalac lizinga obrađuje i druge podatke neophodne za izvršavanje usluge koja je predmet ovog Ugovora. Davalac leasinga će obraditi samo one lične podatke koji su nužni za ostvarivanje ispravnih prava i obaveza iz Ugovora (princip minimizacije podataka).



Davalac leasinga se obavezuje da Licima koja sa Davaocem lizinga potpisuju ovaj Ugovor pruži sve relevantne informacije propisane Zakonom (vrste podataka, svrha obrade, primaoci ili kategorije primalaca, period čuvanja, prava nosioca, itd.) u sažetom, razumljivom, transparentnom i lako dostupnom obliku. Ako Lica koja sa Davaocem lizinga potpisuju ovaj Ugovor to zahtijeva, informacije mogu biti pružene pisanim putem, elektronski ili na drugi prihvatljiv način.

Lica koje sa Davaocem lizinga potpisuju ovaj Ugovor imaju prava predviđena Zakonom: pravo pristupa, ispravke, brisanja („pravo na zaborav“), ograničenja obrade, prenosivosti podataka, prigovora i drugo. Davalac leasinga je dužan da u zakonskom roku (30 dana), uz mogućnost produženja za dodatnih 60 dana, ako je opravdano odgovori na zahtjev Lica koje sa Davaocem lizinga potpisuju ovaj Ugovor. Ako Davalac leasinga ne postupi po zahtjevu Lica koje sa Davaocem lizinga potpisuju ovaj Ugovor mora pravovremeno obrazložiti razloge odbijanja i informisati Lica koje sa Davaocem lizinga potpisuju ovaj Ugovor o pravima na prigovor Agenciji za zaštitu ličnih podataka i sudsku zaštitu.

Davalac leasinga se obavezuje da primijeni tehničke i organizacione mjere zaštite (npr. enkripcija, pseudonimizacija, kontrola pristupa, sigurnosne procedure, redovne provjere, edukacija zaposlenih) radi minimizacije rizika neovlaštenog pristupa, gubitka, oštećenja ili curenja podataka. Uvođenje takvih mjera treba biti prilagođeno prirodi obrade i rizicima koje nosi.

Ako Davalac leasinga angažuje treća lica (obradivače) za obradu ličnih podataka, mora zaključiti ugovor o obradi podataka kojim će biti definisane odgovornosti, sigurnosne mjere i ograničenja u skladu sa Zakonom. Prijenos podataka trećim stranama je dozvoljen samo kada je neophodan za izvršenje Ugovora, zakonski propisan ili uz izričitu saglasnost Lica koje sa Davaocem lizinga potpisuje ovaj Ugovor. Ako dođe do međunarodnog prijenosa podataka (izvan BiH), mora se osigurati usklađenost s odredbama Zakona koje regulišu prijenos podataka u inostranstvo.

Lični podaci korisnika bit će čuvani samo onoliko dugo koliko je to neophodno za ostvarivanje svrhe ugovora i ispunjenje zakonskih obaveza (npr. računovodstvenih, poreskih, zastarjevanja potraživanja).

Odredbe ovog člana primjenjuju se i na punomoćnike Lica koja sa Davaocem lizinga potpisuju ovaj Ugovor, ukoliko isti postoje.

Lica koja sa Davaocem lizinga potpisuju ovaj Ugovor potvrđuju da su prilikom potpisivanja ovog Ugovora Informisani o obradi i zaštiti podataka od strane Porsche Leasinga d.o.o., koja informacija je dostupna u poslovni prostorijama Davaoca lizinga, kao i na internet stranici www.porscheleasing.ba.

20. PRIGOVORI KLIJENATA

U slučaju primjedbi na postupanje PL po osnovu zaključenog Ugovora o finansijskom leasingu i dobrih poslovnih običaja Klijent ima pravo podnijeti prigovor pisanim i/ili elektronskim ili usmenim putem PL na adresu: Porsche Leasing d.o.o., ul. Bulevar Meše Selimovića 16, 71000 Sarajevo, sa naznakom "Prigovor / pritužba Klijenta" ili slanjem prigovora/pritužbi na e-mail adresu: prigovor@porscheleasing.ba.

PL po prigovoru odlučuje u roku od 30 dana od dana prijema prigovora.

Ukoliko PL ne odgovori Klijentu u roku od trideset (30) dana od dana podnošenja prigovora ili PL prigovor Klijenta ocjeni kao neosnovan ili Klijent ne prihvati prijedlog za rješenje spornog odnosa PL, Klijent može u pisanoj formi uputiti prigovor:

- Agenciji za bankarstvo Federacije Bosne i Hercegovine (FBA) na adresu: Agencija za bankarstvo Federacije BiH, ul. Zmaja od Bosne 47b, Sarajevo, a u roku od tri (3) mjeseca od dana prijema odgovora na prigovor ili od dana isticanja roka za odgovor na prigovor, odnosno

- Agenciji za bankarstvo Republike Srpske (ABRS) odnosno Ombudsmanu za bankarski sistem na adresu Vladike Platona 1/A, 78000 Banja Luka u roku od šest (6) mjeseci od dana prijema odgovora na prigovor ili od dana isticanja roka za dostavu odgovora na prigovor.

Na zahtjev FBA /ABRS, odnosno Ombudsmanu za bankarski sistem, PL će dostaviti FBA/ ABRS, odnosno Ombudsmanu za bankarski sistem potrebno izjašnjenje u pisanoj formi uz dostavu relevantne dokumentaciju kojom potvrđuje svoje postupanje, u FBiH u roku od osam (8) dana od dana prijema zahtjeva, a u RS u roku od petnaest (15) dana od dana prijema zahtjeva.

PL ne naplaćuje Klijentu naknadu za postupanje po prigovoru. Svi troškovi nastali u postupku postupanja po prigovorima idu na teret PL.

U slučaju da se nastali spor nije mogao riješiti na prethodno navedeni način, Klijent ima pravo na sudsku zaštitu, podnošenjem tužbe nadležnom sudu.

21. SUDSKA NADLEŽNOST

Za sve sporove proizašle iz ili u vezi sa Ugovorom, primjenjivat će se pravo Bosne i Hercegovine, Federacije Bosne i Hercegovine i Republike Srpske, a o sporu će odlučivati Općinski sud u Sarajevu.



22. ZAVRŠNE ODREDBE

Svi pojedinačni ugovori o finansijskom leasingu koji budu zaključeni između PL i Korisnika leasinga moraju sadržavati odredbu da su Korisniku leasinga predočeni Opšti uslovi poslovanja, da je sa sadržajem istih upoznat i da iste prihvata, a na zahtjev Korisnik leasinga isti mu se i uručuju bez naknade.

PL je dužan da Korisniku leasinga pruži odgovarajuća objašnjenja i instrukcije koje se odnose na primjenu ovih Opštih uslova poslovanja te na zahtjev Korisnik leasinga dostaviti iste.

U slučaju neusklađenosti odredbi pojedinačnih ugovora sa Opštim uslovima poslovanja poslovanja primamo će se primjenjivati odredbe Ugovora.

Pored Opštih uslova poslovanja PL može sačiniti i određene posebne uslove ili sporazume za konkretan ugovor, a koji uslovi će u tom slučaju predstavljati sastavni dio ugovornog odnosa PL i Korisnik leasinga.

Opšti uslovi poslovanja objavljuju se najkasnije 15 dana prije početka njihove primjene i dostupni su na vidnom mjestu u svim poslovnim prostorijama PL i na web stranici www.porscheleasing.ba na jednom od jezika koji su u službenoj upotrebi u Bosni i Hercegovini.

PL zadržava pravo izmjene ovih Opštih uslova poslovanja. PL će o izmjenama i dopunama ovih Opštih uslova poslovanja obavijestiti Korisnika leasinga isticanjem u svim poslovnim prostorijama PL kao i objavljivanjem na web stranici www.porscheleasing.ba i to najkasnije 15 dana prije početka njihove primjene. Smatrat će se da je Korisnik leasinga uredno obavješten o izmjenama i dopunama Opštih uslova poslovanja danom objave na web stranici PL-a www.porscheleasing.ba kao i isticanjem na vidnom mjestu u poslovnim prostorijama PL-a.

Ovi Opšti uslovi poslovanja usvojeni su od strane Uprave PL dana 16.03.2026. godine i bit će objavljeni u poslovnim prostorijama PL kao i na web stranici www.porscheleasing.ba, a primjenjuju se po isteku petnaestog (15) dana od dana isticanja u poslovnim prostorijama odnosno objavljivanjem na web stranici, tj. od 31.03.2026. godine.

- Ovi Opšti uslovi stupaju na snagu danom 31.03.2026.godine

Korisnik Leasinga: _____

Davalac leasinga: _____

Sudžnik: _____

Broj ugovora: _____